

Ferðareglur Fimleikafélagsins Björk

Þessar reglur eru ekki tæmandi og er nánari útgáfa í vinnslu. Þær reglur sem hér koma fram eru þó gildar fyrir allar ferðir sem ákveðnar eru frá og með 30.6.2017.

Iðkendur, fararstjórar, þjálfarar skulu ávallt vera til fyrirmyndar um alla framkomu í ferðum á vegum fimleikafélagsins og sýna hæversku og reglusemi á leikvangi/æfingasvæði og utan þess og ávalt hafa siðareglur félagsins að leiðarljósi.

Á ferðalagi sameinast allir í að vinna að velferð hópsins, góðri ímynd, liðsheild og velgengni.

1. Kafli – Fylgdarmenn

- a) Enginn iðkandi getur farið í æfinga eða keppnisferð á vegum félagsins til útlanda án fylgdarmanns nema hafa náð ákveðnum aldri. Aldursviðmiðið er að iðkandi sé 12 ára eða eldri á því ári sem ferðin er farin.
- b) Fylgdarmaður getur verið fullorðinn einstaklingur sem foreldri treystir fyrir iðkandanum og verkefninu sem framundan er.
- c) Fylgdarmaður getur að hámarki verið með 2 iðkendur á sínum höndum. Fylgdarmaður getur þó verið með fleiri en 2 iðkendur ef hann er forráðamaður þeirra allra.
- d) Fylgdarmaður getur ekki verið fararstjóri.
- e) Forráðamenn skulu tilkynna skriflega til skrifstofu hver sé fylgdarmaður barns í ferð.

2. Kafli – Fararstjórar

- a) Fararstjóri fer með æðsta vald og ábyrgð meðan á ferð stendur. Hann kemur fram fyrir hönd alls hópsins.
- b) Fararstjórar geta verið fleiri en einn en þá skal tilnefna „yfir“ fararstjóra.
- c) Fararstjóri skal hafa hæfni og getu til að sinna starfi sínu og má ekki hafa gerst sekur um brot á siðareglum félagsins, lögum eða reglum er varða umgengni við börn og eða önnur lög/reglur sem tengjast hlutverki hans í ferðinni.
- d) Fararstjóra ber að halda fund með iðkendum og aðstandendum þeirra, svo fljótt sem auðið er eftir að ákvörðun um ferð hefur verið tekin.
- e) Fararstjóri ásamt fulltrúa félags fer yfir búningamál, þ.e. ferða og/eða keppnisfatað.
- f) Fararstjóri vinnur í samráði við þjálfara, sem sjá um allan faglegan grunn.
- g) Skipulag matartíma, frjáls tíma, ferðalaga og annað vinna fararstjórar og þjálfarar í sameiningu.

- h) Fararstjóri sér um að innrita hópinn í flug og á gististað
- i) Fararstjóri fær afhenta sjúkratösku frá félaginu og gjafir sem afhenda á á dvalarstað (ef við á)
- j) Fararstjóri sér um að afhenda gjöf á staðnum fyrir hönd hópsins.
- k) Fararstjóri sinnir öðrum störfum sem tengjast velferð, góðri ímynd, liðsheild og þátttöku hópsins í viðkomandi ferð.
- l) Fararstjóra er heimilt að senda heim þátttakendur/þjálfara/fylgdarmenn ef þeir hafa, að hans mati, brotið verulega gegn reglum þessum. Kostnaður sem fellur til vegna slíks er greiddur af þeim brotlega eða forráðamanni/mönnum hans.
- m) Fararstjórar verða að vera a.m.k. 25 ára þegar ferð er farin
- n) Að lágmarki skulu 2 fararstjórar fylgja í æfinga og/eða keppnisferðum á vegum félagsins fyrir fyrstu 12 iðkendurnar, 1 fullorðinn á hverja 12 eftir það.
- o) Þjálfarar geta verið fararstjórar en þó þarf a.m.k. 1 fararstjóri að vera í hverri ferð sem ekki er þjálfari.
- p) Séu bæði kyn að ferðast saman þarf að vera a.m.k. einn fararstjóri af hvoru kyni í ferðinni.
- q) Fararstjórar/þjálfarar skulu ekki gista í sama rými og iðkendur af gagnstæðu kyni.
- r) Fararstjóri ber ábyrgð á hópnum og er því ekki með eigin börn á ferð, nema þau séu hluti af hópnum sem ferðina fer.

3. Iðkendur:

- a) Keppendur skulu lúta þeim reglum sem farastjórn og þjálfarar setja enda tengjast þær því að skapa góða ímynd og efla liðsheild.
- b) Iðkendur skulu ávallt sýna íþróttamannslega framkomu
- c) Öll neysla áfengis og/eða vímuefna er bönnuð
- d) Ábyrg meðferð samfélagsmiðla
- e) Athugið að vegna aðstæðna gætu reglur breyst á meðan á ferð stendur.
- f) Viðeigandi hegðun, sýna kurteisi, leyfa öllum að vera með, ekki draga sig úr hópnum og umfram allt sýna hvert öðru virðingu og vinsemd. Á við í raunheimum og netheimum.
- g) Fara eftir reglum – brot geta varðað brottrekstri á kostnað iðkanda eða forráðamanns/manna hans. Alvarleg brot á reglum geta varðað brottrekstri án þess að viðvörðun hafi verið gefin, minni brot að undangenginni aðvörðun.
- h) Reglur ferðar: Hópur getur þurft á að halda sértækum ferðareglum. Þessar reglur geta t.d. varðað svefntíma, ferðafatnað, heimsóknir gesta o.s.frv. og þurfa að vera samþykktar af fararstjórum, þjálfurum og félagi.

4. Kafli – Þjálfarar

- a) Þjálfari skal hafa hæfni og getu til að sinna starfi sínu og má ekki hafa gerst sekur um brot á siðareglum félagsins, lögum eða reglum er varða umgengni við börn og eða önnur lög/reglur sem tengjast hlutverki hans í ferðinni.
- b) Miða skal við að fjöldi iðkenda á hvern þjálfara fari ekki yfir 10. Undantekningar frá þessari reglu þurfa að vera gerðar í samráði við yfirþjálfara og félag.
- c) Þjálfari er ekki með eigin börn á ferð, nema þau séu hluti af hópnum sem ferðina fer.
- d) Þjálfarar skulu í framkomu sinni og athöfnum vera góð fyrirmynd iðkenda.
- e) Þjálfarar skulu ávalt vinna í samráði við fararstjóra, sem hefur lokaorðið ef upp kemur ágreiningur.
- f) Þjálfari ber ásamt fararstjóra, ábyrgð á keppendum innanvallar og utanvallar í samráði við fararstjóra.
- g) Skipulag matartíma, frjáls tíma, ferðalaga og annað vinna fararstjórar og þjálfarar í sameiningu.
- h) Uppihald og fæði þjálfara skal vera það sama og hópsins almennt á meðan á ferð stendur og telst hann sameiginlegur. Kostnaður við sameiginlegar ferðir þar sem viðveru þjálfara er óskað, telst einnig til sameiginlegs kostnaðar. Sameiginlegur kostnaður er greiddur af hópnum. Kjósi þjálfari að bregða út frá dagskrá hópsins er það gert á eigin kostnað nema um annað sé samið fyrirfram.
- i) Vaktir/viðvera og ábyrgð á keppendum, utan æfinga/keppnissvæðis er ákveðin í samráði við fararstjóra.
- j) Alvarleg brot þjálfara á ferðareglum geta varðað brottrekstur. Kostnaður sem af slíku kanna skapast fellur á þann sem brotlegur er.

5. Kafli - Foreldrar og forráðamenn

- a) Ber að virða ferðareglur félags, sem og sértækar reglur sem kunnu hafa verið settar fyrir hverja og eina ferð, t.d. varðandi samskipti, vasapening o.s.frv.

6. Kafli – Kostnaður

- a) Ferðakostnaður fararstjóra og þjálfara flokkast sem sameiginlegur kostnaður og er greiddur af hóp.
- b) Fylgdarmenn ferðast á eigin kostnað.